

CHINESE - JAPANESE LIBRARY (VI)
HARVARD - YENCHING INSTITUTE
AT HARVARD UNIVERSITY
OCT 31 1940

4

T4749/8231(4)

CM 0 1 2 3 4 5 6 7 8 9 10 11 12 13 14 15 16 17

Lab D502 95/0/2

81/0/0

66/0/0

51/0/1

35/0/0

20/0/0

29/19/54

55/39/33

42/51/29

82/4/79

51/50/13

50/28/29

38/14/16

66/16/18

50/5/22

43/14/21

55/9/25

71/32/0

62/34/60

40/9/43

52/48/17

31/21/21

72/23/57

73/19/68

晉政輯要卷之四

土鹽蒙鹽并附案

河東額引雖行於山西通省而鹽池在安
邑縣地居西偏其行鹽之區有遠莫能至
者如太原汾州寧武三府屬及遼州沁州
平定州忻州代州保德州六州所屬州縣
每年領銷河東額引四萬三千九百八十
五張每張銀四錢一分

晉政輯要卷之四

土鹽蒙鹽 并附案

河東額引雖行於山西通省而鹽池在安
邑縣地居西偏其行鹽之區有遠莫能至
者如太原汾州寧武三府屬及遼州沁州
平定州忻州代州保德州六州所屬州縣
每年領銷河東額引四萬三千九百八十
五張每張徵鹽稅紙價銀四錢一釐二毫

哈佛大學漢和
圖書館珍藏印

四絲三忽共徵銀一萬七千六百四十七兩一錢零其中有銷河東之引而食本地土鹽者則係岢嵐等一十一州縣嗣於乾隆二十八年四月初六日經河東鹽政會同前撫院明

奏奉 部議令岢嵐州嵐縣興縣臨縣石樓縣永寧州寧鄉縣神池縣保德州河曲縣靜樂縣等十一州縣查明所產土鹽於配

引之外實不敷鹽若干令土販執引赴薩拉齊托克托城地方買運蒙古鹽劬卽令該通判按引盤驗并責成歸綏道就近稽查仍於每年歲底將添買不敷鹽劬數日報 部查核等因飭行遵照去後嗣據臨縣查明每年額設鹽引一百九十五道向係蒙鹽與清源土鹽各半均銷今酌配土鹽九十五引剩引一百道令土販配買蒙

鹽足供民用石樓縣查明額設鹽引五百
二十道除買土鹽配引四百四十道剩引
八十道採買蒙鹽添配足食永寧州查明
額設鹽引四百四十七道所食鹽筋除土
鹽配引三百二十七道止需買蒙鹽二萬
四千筋計引一百二十道責令土販領引
出口採買足敷民食寧鄉縣查明額設鹽
引一百五十一道里民零星買食清源等

縣土鹽酌配鹽引一百一道止需買蒙鹽
一萬筋計引五十道責令土販赴薩拉齊
等處採買蒙鹽神池縣不產土鹽戶口無
多每歲需鹽一萬六千筋查明額設鹽引
八十道責令土販採買蒙鹽配銷足敷民
用保德州查明額設鹽引一百九十四道
除食土鹽二分配引一百二十九道需買
蒙鹽一分配引六十五道河曲縣查明額

設鹽引一百五十一道給發土販前赴托
克托城投驗採辦蒙古鹽筋其餘尙嵐州
嵐縣興縣靜樂縣四處據詳本地均有土
鹽可敷食用無庸採買蒙鹽各等因詳請
咨 部於乾隆三十年十二月十一日奉
部覆允飭遵在案所有續奉之案並粘單一
紙附錄於後

計開

一件遵

旨等事乾隆四十七年四月二十一日奉准

戶部咨山西司案呈本部議覆山西巡撫
農

奏口外鹽筋毋庸交商領運仍令食土鹽地
方民人販賣一摺乾隆四十七年四月十
七日奏本日奉

旨依議欽此相應抄錄原奏行文山西巡撫遵

照可也等因遵行在案

一粘單內開 內閣抄出山西巡撫農起
奏口外鹽筋請毋庸交商領運准令民人照
舊販賣以資接濟一摺乾隆四十七年四月
初四日奉

硃批該部議奏欽此欽遵於本月初八日抄出
到部該臣等查得山西巡撫農起

奏稱竊臣接奉

諭旨查辦口外鹽筋據實覆

奏一案伏查晉省各州縣向食池鹽口鹽土
鹽三項除大同朔平二府係在沿邊例准
就近買食口鹽並不禁止及銷食池鹽之
平蒲等府屬四十四州縣現在池鹽產旺
配引之外尚有盈餘不須口鹽接濟均毋
庸置議外惟太汾等府屬四十四州縣向
係刮食土鹽不經商運因河東鹽池遠在

省南太汾等處係在省北計程一二千里
不等類皆崇山峻嶺路徑崎嶇舟楫既不
能通車行又多險阻是以改食土鹽課歸
地丁完納雖此內僅有岢嵐等十一州縣
奏明兼食口鹽而其實凡食土鹽之處均
有附近民人販賣口鹽以資接濟自昔已
然歷久稱便自乾隆四十五年禁止口鹽
之後民販難通土鹽未免昂貴前羅卜藏

多爾濟請將阿拉山鹽筋入口銷售僅可
運至保德州地方交商轉運則仍須陸路
既無坦道可通卽與從前不能領運池鹽
同一蹊徑且池鹽每筋制錢二文加以課
稅運脚每筋價止賣銀七八釐至二三分
不等口鹽每筋制錢四文成本已屬加倍
再兼山路崎嶇運脚更增價值愈貴以成
本二文之池鹽尚且限於地勢改食土鹽

則成本四文之蒙鹽自更難於領運此商
運難行之情形也而民人販賣口鹽隨處
銷售不拘地岸且係肩挑驢運數本無多
民間願食則買不願則止此處難銷可以
轉運彼處價值並無一定貴賤得以隨時
若交商人領運必須額定每年銷引若干
不容墮運又應限定行銷州縣毋許通融
在土鹽不足之處不過藉以口鹽添補斷

不能因有口鹽遂將土鹽禁止而添補之
多寡又係年減年增參差不一該商等按
照引額行鹽固不能適符或多或寡之數
而商運鹽劬又係例有定價較之民販價
值時長時落者更屬迥別若令該商等按
照賤價出售則成本不敷如照貴價運賣
又于定例不符亦啟把持病民之漸且民
人攜本販鹽不避艱險苦力經營始得稍

沾餘利以資糊口如今商人僱用不但渙
散不齊且多一番僱費而事非切已究亦
不能如自食其力之實心經理是兼食口
鹽之處販之自民則並行而不悖歸之於
商則顧此而失彼此民販妥便之情形也
至於土鹽不足之處相隔商行引地本屬
寫遠以程途而論該土販等固不肯舍近
就遠越境偷賣間有地界毗連而池鹽價

賤口鹽價貴該民人等亦不肯棄賤買貴
今再於要隘之處多設巡役寔力稽查以
防透漏亦斷不致有碍官引以上情形臣
復與司道等悉心體察衆論僉同確係切
實再河東池鹽運行三省全在商力充裕
方不致有悞民食從前鹽池被水歉收商
力漸乏仰蒙

聖慈厪念開濬河渠修築堤堰近年以來始得

產鹽旺盛現在除配引之外積存盈餘八千餘萬觔以阿拉山每年運鹽一千一百萬觔比較計多數倍正宜蓄養商力以期漸有起色似未便令其再運口鹽致難兼顧至四十一年前撫臣巴延三奏准召募富戶充當運商五年輪換一次以均勞逸原係乏商自行舉報歷年報部有案可稽並不假手州縣尚無措勒賧剝情弊但以

應換人數而計每次需商數十名而一省之富戶有限五年之輪換無窮卽照現定章程尚恐將來乏人領運若將阿拉山鹽觔再令承辦是口鹽增一行引之地池鹽卽少一輪換之商亦應慮之于始以爲經久之計可否仰懇

聖恩將此項口鹽照臣前摺所請毋庸交商領運准令民人照舊自行販賣以資接濟既

可便民亦不損商似屬兩有裨益謹再據
實覆

奏等因前來查山西省食鹽舊例大同朔平
等府屬十六州縣向食口鹽平蒲澤潞等
屬四十四州縣向食河東池鹽太原汾州
等屬四十四州縣向食土鹽前因河東池
鹽不無商力疲乏而阿拉山鹽筋可以運
至保德州臨縣令商人買運行銷欽奉

諭旨令撫臣農起會同阿拉善王羅卜藏多爾
濟各就該處實在情形籌議覆奏嗣據該
撫等以保德州地方運鹽各處行銷山路
崎嶇難於輓運核計成本較之池鹽費實
增倍會同羅卜藏多爾濟查明將阿拉山
鹽筋運至內地行銷之處奏請停止其刮
食土鹽之太原等屬又據該撫以該屬州
縣遇土鹽不敷之時向有蒙古鹽筋民人

隨時販賣議以蒙古鹽觔之有餘補內地
土鹽之不足請弛蒙古鹽不許販入內地
之禁等因具奏欽奉

上諭本日據農起與羅卜藏多爾濟將阿拉山
鹽觔商人不能領運緣由會奏一摺朕以
其事既不可行卽當照常批示及閱農起
另摺所奏稱大同朔平等屬地處沿邊向
係買食口鹽其平蒲澤潞解絳等屬四十

四州縣俱係銷食河東引鹽太原汾州寧
武代忻等屬四十四州縣刮食土鹽不經
商運其土鹽不敷之時民人零星販賣蒙
古口鹽以濟土鹽之不足現因查辦鹽觔
一事體察民情咸籲請將口鹽弛禁又稱
現在積存口鹽七百餘萬觔商運雖屬難
行而民販往來實爲妥便等語此奏欠明
晰殊不可解豈有商運難行而民販反能

行之理商獨非民乎晉省沿邊各府屬居民向食口鹽嗣以商力疲乏恐官鹽隨運曾經降旨飭禁今因商辦仍多拮据而居民又願食口鹽是以令農起會同羅卜藏多爾濟悉心籌酌准各商就地之遠近將口鹽與官鹽一例販運行銷既可便民亦可通商原期兩有裨益且商民一理未有便於民而獨不便於商者乃農起輒據該

商等以轉運口鹽山路崎嶇所需運本重大無力承辦爲辭卽將行銷蒙古鹽觔之處奏請停止此必係伊新任該省巡撫於鹽務利弊未能深悉偏聽地方官詳稟遽行入告而地方又未免瞻顧商人甚或留此僉派充商一節以爲腹剝富戶地步是以仍請照例停運口鹽爲便其與商人運脚成本究竟如何不便之處又並未切寔

指陳至其另摺所奏大同朔平等處一帶
民人准其自行赴口販運此等民人商人
獨不可僱而用之乎又稱專食土鹽之處
於官引原無干礙而口鹽又在所必需並
查詢現在蒙古有積存鹽觔以蒙古之有
餘補內地之不足源源接濟兩有裨益之
語是又爲周旋羅卜藏多爾濟起見若作
和事老人者殊不知封疆大吏於地方公

事關係商運民食利病自應秉公定議不
得存依違兩可之見調停完事且口外鹽
觔旣聽沿邊一帶及專食土鹽各處居民
自行赴彼販賣不歸商運則小民惟利是
圖其銷食河東引鹽之平蒲等屬四十四
州縣如何設法查禁不致透漏有妨官引
之處農起亦未逐一詳悉籌畫分晰奏明
設有不便將來又如何辦理着傳諭農起

伊係初任該省巡撫於此事無可瞻顧迴
護自應一秉天良徹底通盤籌算將歷年
各屬商民實在情形及地方官有無僉派
富戶充商之事再口外鹽筋究竟是否可
以行銷并如何設法調劑不致有碍官引
使商民兩得其便可以永遠遵行之處另
行秉公據寔熟籌妥議詳悉具奏到日再
降諭旨將此由四百里傳諭知之欽此欽

遵在案今據該撫農超奏稱晉省太原等
府屬四十四州縣向係刮食土鹽不經商
運寔因鹽池遠在省南類皆山路崎嶇輓
運維艱是以改食土鹽課歸地丁完納雖
此內僅有岢嵐等十一州縣係奏明兼食
口鹽而其寔凡食土鹽之處均有附近民
人販賣口鹽以資接濟自昔已然歷久稱
便且池鹽成本每筋制錢一文加以課稅

運脚每筋止賣銀七八釐至一二三分不等
口鹽每筋制錢四文成本已屬加倍此商
運難行之情形而民人販賣口鹽銷售不
拘地岸價值得以隨時肩挑驢運數本無
多願食則買不願則止此處難銷轉運彼
處與商人年銷年額并限以行銷州縣定
價售賣者不同且民人攜本販鹽苦力經
營始得稍沾餘利如今商人僱用不但換

散不齊且多一番僱費而事非切已究亦
不能如自食其力之寔心經理是兼食口
鹽之處販之自民則並行不悖歸之於商
則顧此失彼此民販安便之情形至於土
鹽不足之處相隔商行引地本屬窈遠該
土販等固不肯舍近就遠越境偷賣間有
地界毗連而池鹽價賤口鹽價貴該民人
等亦不肯棄賤買貴今在於要隘處所多

設巡役寔力稽查以防透漏亦斷不致有碍官引等語臣等伏查晉省所屬州縣原係各按地方分食土鹽口鹽池鹽三項所有查辦阿拉山鹽筋不便商運而便民販之處今既據該撫將山路崎嶇成本增倍及商人僱用未免多一番僱費各情節詳悉具奏是阿拉山鹽筋運至保德州地方飭商買運之處毋庸辦理至食土鹽地方

請令民人販賣蒙古鹽筋一節既據聲明民人販賣口鹽銷售不拘地岸價值得以隨時與商人引有定地價有定額者不同自屬寔在情形且查太原等府屬四十四州縣例食土鹽此內岢嵐等十一州縣前因土鹽不敷曾經前任巡撫石麟等題准買食口鹽是該處地近沿邊官鹽不能遠運原係因地制宜准其口鹽土鹽就便買

食今該省凡食土鹽之處現據該撫查明均有附近民人販賣口鹽以資接濟自應如所奏將例食土鹽太原等府四十四州縣准其買運口鹽通融接濟但止許其在應食土鹽處所售賣不得侵越商銷池鹽引地倘令口鹽土鹽貫入商引口岸則池鹽引地辦理益艱所關亦鉅應令該撫嚴飭文武員弁於要隘處所寔力稽查以防

透漏倘經發覺立即嚴參議處至該省召募富戶充當運商五年輪換一次最爲滋弊據該撫稱原係乏商自行舉報歷年報部有案可稽並不假手州縣尚無指勒賂剝情弊等語竊以乏商自舉富戶在富戶勢不免有趨避之情在乏商卽得以操取舍之術情僞多端豈稱良法且卽如該撫摺內所稱應換人數每次需商數十名一

省富戶有限五年輪換無窮是派辦之先
後遠近其中運費多寡承辦難易卽爲將
來高下其手指勒股剝地步應令該撫悉
心籌畫如何公平輪換不致假手滋弊致
令偏枯之處另行詳悉妥籌具奏到日再
議恭候

命下臣部行文該撫遵照辦理又於乾隆五十
一年蒙 前撫憲伊 會同厄魯特親王

奏明太原等府屬四十四州縣民人准令
買食口鹽陸運水運各從其便如由水路
運入內地卽在臨縣磧口鎮起岸自磧口
鎮而下仍嚴行查禁

鹽歸巡撫

查河東鹺政向為鹽院專司遇有鹽政與
巡撫會辦事件未免意存畛域辦理每多
掣肘前於乾隆四十三年欽奉

上諭令將河東鹽政裁歸巡撫管轄所有原
奉

上諭恭錄於左

一件敬陳兼管鹽政事宜遵

旨酌議具奉事乾隆四十三年八月初十日奉

准 吏部咨文選司案呈吏科抄出本部

題前事內開會議得內閣抄出山西巡撫

兼管鹽政覺羅巴 奏稱准部咨乾隆四

十三年五月初十日內閣抄出奉

上諭向來河東鹽政與山西巡撫因各有專司

未免意存畛域於辦理鹽務每多掣肘即如

近日查覆舉報更換疲商一事屢經部駁該

撫等覆奏意見始能畫一此即其明徵也河

東鹽政事務本簡非兩淮長蘆可比况直省

中如浙江福建兩廣俱係督撫兼管鹽政較

為妥協河東鹽政竟不如令山西巡撫兼管

瑞齡現在丁憂其員缺毋庸另行簡放河東

鹽政即着該撫巴延三兼管至一切鹽務原

有運司籌辦今得該撫統轄事權歸一呼應

更靈於商民均屬有益並着為令所有巡撫

兼管鹽政各事宜巴延三悉心酌擬具奏到
日交該部核議奏聞欽此欽遵臣伏查河東
鹽政衙門如疏引徵課督掣催運等事久
經定有章程毋庸另議更張惟鹽政向駐
安邑縣之運城地方今歸巡撫兼管則裁
移改轄之初有酌歸簡易者臣率同運司
程國表布政使黃檢按察使李承鄴悉心
斟酌臚列數條恭呈

御覽伏候

睿裁等因乾隆四十三年閏六月初二日奉
硃批該部議奏欽此欽遵抄出到部

一鹽政原有印信應請照浙江撫臣兼管鹽
政之例凡鹽務事宜仍用鹽政印信毋庸
另行改鑄遇有商民交涉事件地方官會
同鹽員公議詳報臣衙門核寔辦理仍各
司其事毋許干預越俎等語查河東鹽政

欽奉

特旨令山西巡撫兼管凡鹽務事宜應如該撫所奏准其照浙江巡撫兼管鹽政之例仍用鹽政印信毋庸另行改鑄遇有商民交涉事件該撫既稱地方官會同鹽員公議詳報核實辦理毋許干預越俎亦應如所奏辦理

一臣兼理鹽政所有鹽政

勅書應請卽於撫臣

勅書內增添撰給俟奉有部覆領到新

勅卽將撫臣鹽政舊

勅一併恭繳查銷等語查河東鹽政旣經山西巡撫兼管其巡撫坐名

勅書自應增添兼管鹽政事宜俟

命下之日吏部移揭內閣另行撰給俟新撰

勅書頒發到日將巡撫坐名

勅書鹽政舊

勅一併恭繳內閣查銷

一鹽政衙署駐劄運城臣兼管鹽政每年遇有盤查運庫勘驗工程并辦理一切公務均須住宿衙署以重關防而肅觀瞻應請照舊存留以爲巡察時辦公之所等語查鹽政雖經裁汰其衙署准其存留以爲巡撫每年往來盤查巡察住宿公所

一運庫課項錢糧攸關向例鹽政到任及運司新舊交代俱盤查一次每年十月底奏銷鹽課盤查一次查運城距省十餘站臣恐公事羈留未克如期親往請嗣後運司交代及奏銷之時並臣現在接管到任先委道員代盤結報凡每年臣接管運城不拘何時卽至運庫細加盤驗以慎庫項等語查運庫鹽課錢糧向例鹽政到任及運

司新舊交代俱盤查一次每年十月奏銷
盤查一次今該撫兼管鹽政據稱運城距
省十餘站恐公事羈留未克如期親往請
嗣後運司交代及奏銷之時並現在接管
到任先委道員代盤結報凡每年親赴運
城不拘何時卽至運庫細加盤驗自屬酌
歸簡易之道仍令該撫嗣後每年不拘何
時務親赴運庫盤驗一二次再委道員盤

驗不得每年全委道員以慎庫項以免滋
弊

一鹽池堤堰禁墻工程每年十月內題估次
年四月內工竣題銷向來係鹽政赴工查
驗今相隔稍遠如必俟臣親往勘驗恐悞
興修之期請嗣後先委運司及河東道代
爲查驗結報臣仍每歲親加勘驗以鞏工
程等語查鹽池堤堰禁墻歲修工程向來

係該鹽政赴工查驗今河東鹽政欽奉

特旨令山西巡撫兼管該撫駐劄省城與運城相隔稍遠如必俟該撫親往勘驗誠恐有悞興修應如所奏俟後歲修工程先委運司及河東道代爲查驗結報該撫仍每歲親加勘驗以期工程鞏固

一 乏商退出引地另募殷實新商充補每次更換時由運司將引地均勻搭配造冊書

籤在鹽政衙門傳齊總綱各商當堂掣籤以示公允查新商齊集運城卽當與舊商交替俾得及時辦公如令其赴省至臣衙門掣籤未免往返需時請嗣後令運司將乏商退出之引地秉公搭配先行詳報到臣經臣核定飭知運司卽令新商等赴運司衙門就近掣籤一經掣定卽可辦公旣無偏徇亦免稽滯跋涉等語查乏商退出

引地例應另募殷實新商充補若遇更換時令新商赴省掣籤未免往返遲延時日應如該撫所奏嗣後令運司將乏商退出之引地秉公搭配先行詳報核定仍令新商等赴運司衙門就近掣定辦公以免稽滯跋涉之勞

一鹽政衙門額設書吏貼寫均有承辦事件已移至省署辦事應照舊存留又承差及

上號吏係供資本收文領引差遣之用均聽其輪班赴省供役此外舍人皂隸執事等項人役均按人數多寡酌量存留裁汰所有裁汰各役額給工食銀兩歸於公務節省項下備造人役清冊送部查核等語查額設書吏應准照舊存留其承差及上號吏均准輪班赴省供役至舍人皂隸執事等項人役該撫既稱均按人數多寡酌

晉正轉要 卷四
量存留裁汰應如所奏辦理其裁汰各役
工食銀兩造入公務節省項下冊報并造
具應裁應留人役清冊一併報明戶部以
憑核辦再該撫奏稱河東鹽政欽奉

諭旨令臣兼管伏念臣仰蒙

聖恩賞給巡撫養廉極爲優渥臣署中用度有
盈無絀今兼辦鹽政並無別項費用所有
河東鹽政每年額設養廉銀八千兩應請

全行裁汰歸欵等因奉

硃批覽欽此應令該撫將前項裁汰造入公務
節省項下報明戶部查核等因乾隆四十
三年七月三十日奉

旨依議欽此

河東鹽法

河東鹽池坐落山西解州安邑縣地方所
所產鹽筋運發山西河南陝西三省以資
民用每年額餘鹽引共六十萬三千一百
三十八張每張銷鹽二百筋每引一百二
十張合鹽一名共配鹽五千二十餘石額
引每名該課錠官錢公務并餘平共銀八
十七兩二錢七釐銷價銀二十四兩餘引

每名該課錠官錢公務公費并餘平共銀
九十三兩三錢五分七釐每年共徵鹽課
銀五十萬七千二十八兩零例係徑赴運
司衙門交納每年於十月內運司造冊詳
報鹽院衙門

題銷

鹽商借帑

查河東辦鹽資本惟運脚爲最重緣行鹽
之地有遠在一千三百里者兼之舟楫不
通惟藉車騾馱載前於乾隆二十三年二
十六年三十年三十九年節經河東鹽政
奏借山西藩庫銀三十萬兩均係一分起
息分限八年解還本銀歸還藩庫原款利
銀解交內務府查收

東西三場週圍履勘查該池除去灘畦東
西長五千九百餘丈南北寬八百餘丈形
如釜底泥性純黑故名爲黑河近河北岸
卽屬畦地爲引水曬鹽之所臣等親至河
身逐段刨挖深塘以視受淤之厚薄查所
挑之處上面皆係黃沙三四尺下卽係黑
泥黑泥之中夾有硝礬鹵氣甚烈詢據商
人并年老居民僉稱黑泥硝礬卽係產鹽

之母其味苦鹹每經雨後水聚黑泥之中
浸泡數日引至畦內卽澆曬成鹽爲力尚
易故出鹽亦多自受泥之後黑泥爲黃土
所掩鹽氣不能上蒸雖有積水味薄性淡
商人輾轉導引以致成本過昂故日形困
乏等情臣等復相看形勢該池係北高南
窪自設立畦地以來各商於本畦之前自
開小港一道引窪處之水注於畦邊以便

取用今若於黑河之北岸近靠畦地通長挑挖寬濶深槽既可除去浮淤俾鹽氣上透更得多蓄鹵水不致導引艱難實於商民大有裨益再查三場相連東高西窪普律挑通後水性就下利歸西場而中東兩處則不免向濶且畦地共長四十餘里畦戶五百餘家更恐有彼此相爭之患臣等再四籌商今蒙

皇上天恩軫念商人疲乏

指示開挑黑河以廣利源似應俯順商情俾其踴躍以爲一勞永逸之計因擬於挑河之中按各畦寬長仍留舊築土埂俾各畦段落分明用水自公以免偏枯之弊隨帶同冀寧河東二道飭令會同運司將應挑寬長深淺尺寸按段確估除各家畦地應留攔水土埂不動外寔止應挑長五千九百

晉山轉要 卷四
餘丈各挑深四五六尺不等卽露黑泥硝
礮今折挑五尺已符舊制似未可再深反
致洩漏鹽氣今旣估挑稍淺需費不致過
重應請酌量加寬以六十丈爲度庶儲蓄
愈多與商民更爲有益共計實需工價銀
四十餘萬兩再查該池挑起之土性甚浮
鬆而所留土埂恐易坍塌飭令衆商於土
埂兩面相度土性外簽椿橛內塞荆笆防

護其根以免坐墊庶可經久計椿笆所費
亦需銀四萬餘兩惟查該池每年於三月
初一日起至八月底止係引水曬鹽之時
若同時施工挑挖不但商人未能兼顧且
恐人衆叢雜私鹽易於透漏至現在本可
開工因九月十五二十三及十月初八初
十等日連次大雨甘霖滿地沮洳泥性鬆
軟畚插難施應飭各商趕緊備辦料物及

挑工器具定於年內齊全限以明年正月
初十日開工分段挑挖扣至曬鹽之時停
止俟鹽曬畢卽於九月再行開挑計二年
之內可以照估全竣並據衆商稟稱商等
蠢愚每思挑挖黑河無如不善估計兼慮
需費過多人皆畏縮以致旋議旋止今蒙
皇上天恩俯念商力困乏籌開利源以濟涸轍
復蒙

欽差巡撫鹽政會同履勘代爲核計河旣加寬
而需費省半商等如夢方醒感激下懷直
同再造商等雖形同草木亦具有人心蒙
皇上如此深仁斷不敢再有觀望自蹈咎戾情
願各自儘力先行辦料興工俟明年秋後
如果商力不敷再懇借

帑以資接濟等情臣等查該商原估挑深一
丈復慮土性鬆軟不能站立將土透運南

岸每土一筐計往返十餘里故需費至百餘萬之多今臣巴 飭委冀寧道呂昌際照依河工之法詳細核筭於所留土埂之下兩面簽椿塞笆使根基穩固得免坍塌所挑之土仍可加貯於土埂之上其餘亦就近移送北岸庶用力少而成工易費既節省大半並可以垂永久查畦戶共計五百餘家所費不過四五十萬自應先儘商

力辦理俟寔在拮据不能完工再行酌量請借庶

帑項得歸寔用而衆商亦不致坐享其成再三場挑工計長四十餘里需夫甚多恐有小民居奇高擡工價查春初秋末皆係農隙之時應飭附近州縣代爲僱募其夫價卽照例按方給發庶貧民既可借以謀食而商人亦免呼應之難其委員分段督辦

並逐日按工稽查五日呈報分數臣瑞
就近派員總理以收寔效至現在乏商應
行更換並准部議將資本充裕之商作何
辦理令臣瑞 秉公確查造冊送部臣瑞
遵照部議將現在疲乏之商陸續更換其資
本充裕而經理得宜應留各商臣瑞
謹逐細造冊聲明送部外所有臣等遵
旨會勘鹽池並籌辦挑挖情形理合恭摺具

奏伏乞

皇上睿鑒訓示遵行於乾隆四十一年十月十
八日恭摺具

奏十一月初一日奉到

硃批好知道了欽此

例更鹽商 並附案

查河東池鹽運發山西河南陝西三省民食攸關必須召募殷富商人承充辦理始能妥善第向未定有年限日久每多疲乏殷商視為畏途今河東召充鹽商經巡撫巴會同鹽政瑞

奏請定限五年更換商力民食均有裨益等因奏奉 部議准行在案所有奉到 部

晉正車要 卷四
咨并粘抄原奏一紙開列於後

計開

一件遵

旨議奏事乾隆四十一年八月十七日奉准

戶部咨山東司案呈云部議覆山西巡撫
覺羅巴延三等會奏鹽池被淤請飭商挑
濬并將招充鹽商酌定五年更換一摺乾
隆四十一年八月初六日奏本日奉

旨依議欽此相應抄錄原奏行文山西巡撫遵

照可也 計粘抄原奏內開 內閣抄出

山西巡撫覺羅巴延三河東鹽政瑞齡會
奏鹽池被淤請飭商挑濬并將招充鹽商
酌定五年更換一摺乾隆四十一年七月
初七日奉

硃批該部議奏欽此欽遵於本月十二日抄出
到部該臣等查得山西巡撫覺羅巴延三

河東鹽政瑞齡會奏稱竊臣巴延三於五月內恭覲

天顏仰蒙

皇上垂詢河東鹽務情形臣巴延三冒昧具奏特蒙

諭旨令臣巴延三與軍機大臣熟商妥辦旋經軍機大臣議請交臣巴延三會同臣瑞齡就實在情形詳悉確勘通盤籌畫定議具

奏奉

旨依議欽此并將原議抄寄到臣瑞齡隨赴太原與臣巴延三面加商酌河東鹽池由來已久畦地區分繡錯畦南舊有黑河一道卽爲鹽池東西長五十一里南北寬五六里不等形如金底泥色純黑其水甚鹹取以澆灑畦地四五日卽能成鹽或遇雨多則洩畦中之水注之於河雨少則取河中

之水灌之於畦實爲產鹽之本源自乾隆二十二年硝池堰決客水浸入挾泥帶沙致將河底淤高蓄水無多稍旱則涸稍澇則溢每當春夏之交無涓滴可資澆曬迨大雨時行之候卽淹漫及於鹽畦雖各商在於畦邊開挖深溝蓄水澆曬奈水味不如黑河而澆曬之工費增倍是以產鹽日衰成本愈昂商力之困實由於此伏查河

東額引四十二萬六千九百四十七道內除買食土鹽不由商運之引六萬二千七百四十九道實在商銷鹽引三十六萬四千一百九十八道餘引二十二萬道每一百二十引爲一名計歲需鹽四千八百餘名而連年所產之鹽尙不敷配運之數自三十一年起至三十四年共缺鹽四千三百餘名除將歷年新鹽抵補並兩次奏請

買運蘆鹽外本年奏銷尙缺鹽一百四十
餘名須俟今歲新鹽補配此產鹽未旺之
明驗也產鹽旣少場價日增每鹽一名向
時價銀三十四兩者漸增至七八十兩及
百餘兩不等計其成本已倍於往昔且畦
邊開挖之溝所蓄雨水以之曬鹽味淡而
苦民間買食仍需數次煎熬是以銷售愈
難辨理倍多拮据各商應募之初卽有畏

難瞻顧之慮無暇悉心經畫而其駁商僱
役人等又或浮冒侵漁雖有家甚饒裕之
商更換無期亦不免歸於消乏利源不開
舊規不復日復一日致成積重難返之勢
此河東鹽務之實在情形也臣等訪之輿
論詢之商民僉稱黑河實爲產鹽之源惟
淤廢已久勢難盡復舊規擬先量力將黑
河全身挑寬四十丈深一丈俾得去淤蓄

水足敷挹注但工大費繁商力實難措辦
等語臣等伏思黑河既爲產鹽之源商民
生計攸關自無不踴躍從事但河東南力
疲乏情形久荷

聖明洞鑒臣巴 面奉

恩諭借帑甦商今臣等體察商情實有心餘力
弱之勢非酌借帑項不能成此鉅工第今
歲自五月以來雨澤頻仍河中盡屬淤泥

積水難以確估容臣巴 於秋後親赴鹽

池會同臣瑞齡逐細確勘將應挑寬深丈
尺需用夫工銀兩數目據實查估並察看
商力可辦工程若干實在不敷若干酌量
請借帑銀其作何分年扣還以及委員分
段督辦各緣由再行會同妥議具奏至現
在各商多有承充年久者向來雖有准其
更換之例並未定有年分原欲杜規避之

端但閱時既久疲乏日多而晉省殷實之
戶一聞募商之信人人視爲畏途每致退
縮不前臣等公同商議若非酌定年限招
商更換日久必致虧課誤公於商人生計
亦大有累查晉省鼓鑄銅筋經歷任撫臣
奏請以五年爲一次採買銅筋招募殷商
領辦行之二十餘年銅筋充裕商無苦累
今河東商衆應請做照運銅之例嗣後招

充鹽商亦以五年爲更換之期今現充各
商照依向例先期自行舉報殷實富戶到
臣瑞齡衙門咨明撫臣行查各府州縣詳
核果係殷實之人取具印甘各結移咨存
案俟應換之時查其五年內引課無虧者
許令更換倘有故意停引欠課情弊嚴行
比追完繳毋許貽累接手之商其現在承
辦山西河南陝西三省引課各商共七十

餘名容臣瑞齡逐一查明擇其經理妥善
資本充裕者取具保結令其照舊承辦毋
庸更換外其餘疲乏之商卽分別極次與
承辦之年月遠近再行核實註冊行知該
運使以次分年陸續更換且黑河旣開產
鹽日旺計五年之間可無賠累之苦卽使
稍有不敷數年後仍可復原於

國課商力似屬有益等因前來查河東池鹽

行銷山西河南陝西三省額餘鹽引共五
十八萬餘道按引行鹽其鹽筋均於黑河
鹹水澆曬供運自乾隆二十二年硝池堰
決客水漫入荷蒙

恩准借帑修築分年扣還辦理歷有年所乃近
今以來該池產鹽漸不如前商力時形疲
乏荷蒙

聖明洞鑒

特命撫臣巴延三會通鹽政臣瑞齡體察實在情形詳悉具奏辦理仰見我

皇上軫念河東商民格外體恤之至意今據該撫覺羅巴等會奏稱黑河一道卽爲鹽池東西長五十一里南北寬五六里不等其水甚鹹取以澆曬畦地四五日卽能成鹽自乾隆二十二年硝池堰決客水漫入挾帶泥沙致將河底淤高蓄水無多稍旱則

涸稍澇則溢奈味淡而苦不如黑河而澆曬之費增倍以致連年歉產不敷配運且場價漸增民間茹苦是利源不開舊規不復日復一日致成積重難返之勢訪之輿論商情僉稱黑河實爲產鹽之源請將黑河全身飭商挑濬寬深俾得去淤蓄水足敷挹注等語臣等伏查鹽觔之通滯由於場價之低昂而欲平場價以裕商力自應

於產鹽之源經理疏通以資澆曬今該處
黑河該撫等既稱自硝池決堰之後堤堰
雖已完固而河底已被淤高是稍旱則涸
稍澇則溢以致產鹽歉少商力拮据誠爲
事理所必有該撫等奏請興工開濬自屬
因時調劑爲一勞永逸之計惟是工程甚
鉅需費浩繁應照該撫所奏於本年秋後
親詣該處會同該鹽政詳細確勘將挑濬

寬深丈尺需用工夫銀兩數目據實查估
其商力可辦若干不敷若干酌量請借帑
銀作何分年扣還以及委員分段督辦各
緣由應俟妥議具奏到日臣部再行核議
又據奏稱現在各商多有承充年久者疲
乏日多並未定有更換年限殷實富戶一
聞招募之信人人視爲畏途應請做照晉
省採買銅觔五年一次招商領辦之例亦

晉山車要 卷四
以五年爲更換之期除現在經理妥善資
本充裕者取具保結令其照舊承辦無庸
更換外其餘疲乏之商卽行分別極次與
承辦之年月遠近再行核實註冊以次分
年陸續更換等語查該省因池鹽歉產場
價漸昂商人日久疲乏以致殷實富戶觀
望不前若不定以更換年限則求退者恐
借端規避而頂充者亦不肯踴躍從事應

如該撫等所奏嗣後准其定限五年更換
所有認退商名各事宜悉照該省成例辦
理但疲乏各商固應分別按限更換所稱
資本充裕之商毋庸更換但將來作何辦
理之處未據聲明查各商承辦引地每有
暢滯之不同若暢銷各地一歸殷實富戶
永遠佔據而其餘疲滯地方始行募商承
充雖應募之初本屬殷實而承辦五年亦

難保無疲乏既恐苦樂不均亦與該撫等定限更換之例參差不能畫一開去留任意之端應令該鹽政將現在資本充裕之商將來作何辦理至其餘疲乏各商均係現已充商之人其已充過之年分自有遠近不一應作何分別承充年月辦理一併秉公確查造冊送部務使商情允協不得稍有偏枯如此庶鹽務漸有起色而於商

力民食均可望其有益矣

恭候

命下臣部行文該撫等遵照可也爲此謹

奏請

旨

一件遵

旨等事乾隆四十七年十二月初五日蒙

巡撫部院農 案驗本年十一月二十日

晉正朝要 卷四
准 本鹽院衙門咨 乾隆四十七年十
一月十三日准 戶部咨山東司案呈本
部議覆山西巡撫農 等奏河東商人成
本不敷請再酌加鹽價二釐并停止五年
輪換充商一摺乾隆四十七年十一月初
三日奏本日奉

旨依議欽此相應抄錄原奏行文山西巡撫遵
照可也等因准此除行運司并三省藩司

各鹽道一體欽遵外相應移咨爲此合咨
本撫部院請煩查照

部文奉

旨及原奏內事理轉飭行銷河東引鹽各屬一
體欽遵并希嚴飭行鹽州縣毋許勒索商
人陋規每於年終出具並無需索印結及
商人甘結徑詳本鹽部院衙門咨部查核
施行准此合就案行爲此仰司官吏查照

咨案奉

旨及原奏內事理卽便欽遵會同臬運二司轉飭行銷河東引鹽各屬一體欽遵知照仍嚴飭行鹽各州縣毋許勒索商人陋規如有干犯卽行嚴揭請叅并令每於年底出具並無需索印結及商人甘結徑詳

本鹽院衙門咨

部查核仍飭按年造具商名清冊詳送

本部院咨

部查核均毋違延切切計抄原奏一紙內閣抄出山西巡撫農等奏河東商人運鹽成本不敷請再酌加鹽價二釐并將五年輪換充商之例停止一摺乾隆四十七年十月二十五日奉

硃批此奏似有所見大學士會同該部議奏欽此欽遵於本月二十八日抄出到部該臣

等會議得山西巡撫農 奏稱切臣於本年二月內底任欽奉

上諭以河東池鹽召商輪換聞有書役借端指勒高下其手情弊不可不防其漸令臣嚴密訪查力爲革除其如何公平輪換不致偏枯之處并令悉心籌畫妥議具奏欽此切思招商輪換若僅由書役滋弊只須認真查拏設法防範即可杜絕尙不難於整頓近年

以來該富戶等趨避充商情僞百出有報捐職官希圖規避行提押充者有不諳經營儘此家財敷衍五年以圖了事者有舉報一人不顧親誼牽扯弟兄叔侄者有在別省經營停業充商未及五年卽行消乏者有雖滿五年之限所舉接充之人藉稱無力彼此訐訟者甚至狡猾之徒自揣難免消糜產業欲圖遷居別省者種種情弊

不一而足通省殷實皆爲搖惑卽有奸胥
猾吏高下其手藉端措勒亦各任其愚弄
蓋行運引鹽全仗資本充裕方可轉輸不
匱商鹽口岸甚多本商勢難兼顧不得不
僱夥商鹽務頭緒紛紜富戶本非素習初
膺其事首尾茫然所用夥商亦以五年定
限爲時甚暫一切苟且從事不復認真籌
畫甚至侵漁浮冒弊竇叢生卽有一二悉

心辦事者甫屆五年漸當熟諳而瓜期已
及替代有人生手驟更又蹈前轍該富戶
等一經簽充只求無悞民食不顧賠累遂
致現在短商較之從前長商更爲竭蹶此
目下確實情形也乾隆十一年前任鹽臣
衆神保以價分貴賤易起商民爭執之漸
卽就彼時賤價奏請作爲定額商本未免
不敷然其時畦地尙好收鹽頗旺猶可勉

力支持迨乾隆二十年畦地被水屢次歉收工本費多商力愈乏民人買鹽一觔豐年計虧商本三四釐歉歲多至六七釐不等雖經前任鹽臣西寧薩哈岱等會同三省撫臣先後奏明加價二釐復又節次請展現在尙未停止究屬有縮無盈不敷原本是以四十一年前撫臣巴延三始有召募富戶五年更換之請也自是以後新商

不善經營愈多虧折臣仰蒙

聖主諭令調劑數月以來廣諮博訪均稱除去五年輪換之例其餘一切舊定章程尙爲妥善至現在商力難支實無另有經久之法惟有歸鹽課於地丁盡去商人聽民販賣譬如布帛烟藥等項不經商運自能流通等語臣查河東解池自古至今產鹽最久乃天地自然之利

國家經費所出固未可棄廢不用而商運民
銷與菽粟同爲利便最爲良法又豈可輕
議裁革今若盡去商人聽民販運切恐今
日之私梟盡爲他時之官販不惟奸良莫
辨稽察難週且以三省民販聚集運城並
無統屬將來千百爲羣攘奪滋事亦難保
其不有且旣聽其自運卽應任其私售勢
必居奇壟斷把持病民在耕作農民旣爲

販鹽之人代納課項而所食之鹽又屬貴
價流弊更無底止臣與河南陝西各撫臣
反覆相商意見脗合自不便輕議更張惟
是長商旣不能支短商又形竭蹶受病之
由必有所自臣與運司等先將澆曬工本
車騾運脚辛工火食及以錢易銀價值并
一切雜費逐款核筭與乾隆十一年以前
所有工本兩相比較無不倍增卽自二十

晉正車馬 卷四
六年至今又已二十餘載而民間買鹽仍
係乾隆十一年及二十六年原定之價值
以致日形拮据且自五年輪換充商之後
本商不善行運糜費固多夥商又係生手
花用更濫賠累愈甚又與四十一年以前
舊商承辦情形不同今若只就目前計議
止擇富戶之是否力能充商照舊設法召
換將來年復一年勢必消乏日多富戶日

少愈趨愈下難以爲繼夫民無鹽則病商
無本則乏二者不可偏廢病商卽以病民
我

國家休養生息百有餘年戶口日繁食用自
廣物力因之昂貴勢所必然若不因時制
宜俾商民交易兩得其平恐致膠執難行
彼此受病該商等挾本行鹽旣不能稍覓
蠅頭以償辛勤更使竭盡家藏以供民食

自不樂於爲此臣自奉

旨籌辦之後與河東運使暨在省司道悉心體察自乾隆二十年鹽池被水歉收以後至今元氣未復從前撫鹽各臣始而酌減引額繼又請借帑本嗣因仍不能行又改爲五年輪換爲長商息肩之地無非竭力調劑以期商力展紓但立法原期無弊除弊必先清源現在致病之由在於運費不足

成本日虧必須懇請加價始可冀有起色

但臣前於具奏查勘鹽池情形一摺奉有

諭旨商人多一分之利息小民多受一分之股

剝况產鹽豐旺雨水調勻其澆曬收刮等事

亦較易爲力其鹽價祇當議減不准議增着

傳諭農 將來與陝西河南各省會議時務

須遵旨妥辦等因欽此仰見我

皇上惠愛黎元無微不至臣何敢不仰體

聖心遵照辦理但目擊情形若使僅為補偏救
弊而不清其致病之源究屬空言無補仍
非長久之計合無仰懇

皇上天恩俯念河東南商力為三省民食所關按
其虧缺商本量加價值二釐連乾隆二十
六年請加之價作為定額以裕商力如蒙
俞允所有五年輪換之例應請即為停止先就
現商中擇其殷實者定為長商疲乏者令

其歸業人數不足即令所留之商公同舉
報在營謀求脫者勢難逐人請託而所舉
不寔者即將引地派令舉報之商公同認
辦眾商各有責成自無妄報之虞并將引
地分為上中下三等配搭均勻闡分掣認
亦可免高下偏枯之弊其餘一切浮費臣
督同運使竭力剔除并會同豫陝二撫臣
再行嚴申禁令毋許地方官勒索商人陋

規如有干犯卽行叅處年終并令該商等
自行出具並無需索甘結由該州縣加結
詳請咨部以憑查考如此一爲調劑在該
商人等仰沐

殊恩可以永資輓運不致有悞民食卽就民人
食鹽而計每人每日食鹽三錢兩月始能
食鹽一觔每觔加價二釐終年不過一分
二釐所出仍屬有限而該商人等挹彼注

茲則可積少成多轉輸不匱寔與河東鹽
務有益是否有當臣謹會同河南撫臣富

陝西撫臣畢 會摺具奏等因前來查河

東池鹽自乾隆二十年被水之後節據歷
任巡撫鹽政等奏請每觔增價銀二釐悉
定以三年爲限并請酌減餘引借給帑本
以紓商力又於四十一年復經陞任巡撫
巴延三奏准以該省富戶一聞募商之信

人人視爲畏途每致退縮不前請嗣後招
充鹽商定限五年爲更換之期令現充各
商先期自行舉報殷寔富戶以均勞逸嗣
於本年四月內據該撫農 奏明五年輪
換最易滋弊經戶部議以乏商自舉富戶
勢不免有趨避之情在乏商得以操取舍
之術并致有高下其手指勒賤剝地步奏
令該撫悉心籌畫不致假手滋弊之處另

行籌議具奏到日再議等因各在案今據
該撫農 等奏稱招商輪換若僅有書役
滋弊查拏防範卽可杜絕近年以來該富
戶等有報捐職官希圖規避行提押充者
有不諳經營儘此家財敷衍五年以圖了
事者有舉報一人牽扯弟兄叔侄者有在
別省經營停業充商未及五年卽行消乏
者有雖滿五年之限所舉接充之人藉稱

無力許訟者甚至狡猾之徒自揣難免消
糜產業欲圖遷居別省者種種情弊不一
而足且商鹽口岸甚多勢難兼顧不得不
僱駁商鹽務頭緒紛紜富戶本非素習初
膺其事首尾茫然所用駁商亦以五年定
限爲時甚暫苟且從事甚至侵漁卽有一
二悉心辦事者甫屆五年漸當熟諳而瓜
期已及替代有人生手驟更又蹈前轍該

富戶等一經僉充只求無悞民食不顧賠
累遂致現在短商較之從前長商更爲竭
蹙臣等將商人澆曬工本車驟運腳等項
逐欵比較與乾隆十一年鹽臣衆神保核
定鹽價以前無不倍增商人致病之由在
于運費不足成本日虧合無仰懇

皇上天恩俯念河東爲三省民食所關按其虧
缺量加價值二釐連乾隆二十六年請加

之價作爲定額以裕商力所有五年輪換
之例應請停止等語臣等伏查山西省行
鹽各商原無定有更換年限嗣因池鹽歉
產商人日就疲乏改爲五年輪換原爲調
劑商力起見無如法久弊生富戶希圖規
避情僞多端而新商不諳經營賠累愈甚
較之長商更爲竭蹶揆厥由來總因工本
運費較前倍增是以商人受累迄無善法

自應亟爲調劑籌畫俾商人樂於從事以
重

國課而裕民食且查乾隆二十六年奏明每
勛暫行增價二釐之後已閱二十餘年商
民經久相安自毋庸再爲展限應如所奏
卽令准其作爲定額至所稱現在商本不
敷再行每勛加增二釐之處該撫等身任
其地自係目擊情形寔心籌畫况就民人

食鹽計算每人終年所出不過多增一分
二釐尙不至有妨民力亦應准其暫行加
增第此次增加之後商力展紓自必日有
起色若一并作爲定額恐民間藉稱食貴
亦非兩得其平之道臣等酌議應將現增
二釐之價照依二十六年增價之例試行
三年後如果商力充裕該撫臨期奏請酌
減以昭平允至五年輪換之例易以滋弊

既經議增價值此例自應停止所有該撫
等奏稱現商中擇其殷寔者定爲長商疲
乏者令其歸業人數不足卽令所留之商
公同舉報如所舉不寔卽將引地派令舉
報之商公同認辦并將引地分爲上中下
三等配搭均勻闡分掣認其餘一切浮費
竭力剔除毋許地方官勒索商人陋規如
有干犯卽行叅處等語均應如所奏辦理

仍令該撫等於年底取具行鹽州縣並無
需索印結及商人甘結送部并令山西巡
撫按年造具商名清冊報部查核可也

城稅歸撫 並附案

查設關徵稅意在裕國通商自應儘收儘
解若因正額無虧漫無稽核一任家人胥
役中飽賣放殊非設立關權之道今歸化
城稅務經前撫鄂

奏歸巡撫兼管選派道府賢員按年更替并
將雜稅一萬五千兩牲畜稅錢九千串作
爲正額其餘作爲盈餘所有每年應需紙

張工食等項在於盈餘銀內動支按年奏報在案所有原奉 部咨並粘單一紙開列於後

計開

一件遵

旨議奏事乾隆三十四年三月初八日准 戶

部咨貴州司案呈內閣抄出大學士尹

等議覆山西巡撫鄂 奏歸化城稅務改

歸山西巡撫兼管選派道府賢員按年更

替一摺乾隆三十四年二月二十三日奉

旨依議欽此欽遵於本月二十四日抄出到部

相應抄錄原奏行文山西巡撫遵照辦理

可也

一粘單內開大學士臣尹等謹

奏為遵

旨議奏事本月十七日山西巡撫鄂 覆奏歸

化城稅務一摺奉

硃批軍機大臣議奏欽此據稱設關徵稅原應儘收儘解豈可因正額無虧遂漫無稽核致啟家人胥役中飽賣稅之弊今歸化城管關之員既於權務未能核實自應遵旨改歸巡撫兼管查該處雖有歸綏道駐劄固可就近代管但一人常川經理難保日久無弊請於現任道府內揀員派往扣滿一

年更換臣不時稽查所有現在監督瑪爾洪阿已屆期滿應卽揀員接管再從前所收銀數難爲定額俟另派委員第一年徵收過銀數臨期核定再爲酌定等語查關口稅務自當儘收儘解從前歸化城關稅止解正額其餘漫無稽查致啟家人胥役中飽滋弊殊非核實權務之道向所派理藩院司員旣非該撫所轄難以查核嗣後

晉正車要 卷四
該關稅務應改歸山西巡撫兼管派委道員以專責成庶耳目易周稽查得寔於關務自更爲慎重所有理藩院司員派管之例卽行停止至該撫旣稱歸綏道卽駐劄該處若令常川經管恐至日久弊生應如該撫所奏選派道府賢員具摺奏明按年更替則交代盤查每歲皆可核寔清釐自不致復滋弊竇至所收稅額亦應如所奏

俟試收一年再行酌定惟是立法之始一切均須該撫悉心督理酌定章程並嚴飭委員寔力承辦毋任胥役人等稍有侵漁滋擾庶商民兩有裨益是否有當伏候訓示俟

命下臣等交部行知該撫遵照辦理可也謹

奏乾隆三十四年二月二十三日奉

旨依議欽此

嗣經晉撫查明奏請遵照雍正年間舊額山西通省額設常平穀一百三十一萬五千八百三十七石當將溢穀次第出糶至乾隆二十六年經前撫鄂

奏請增足一百八十萬石永爲常平定額計應買增額穀四十八萬餘石除以各屬未糶溢穀撥抵外實應買增額穀四十三萬餘石自乾隆二十六年買起至三十一年

全數買竣以足一百八十萬石之額此外另有府倉常平穀一十一萬一百八十一石二斗零於乾隆三十年五月經河南巡撫阿

奏准歸於各省首縣經管奉

旨俞允在案又乾隆二十七年九月前撫明

具奏以托克托城從前已買有軍需穀十萬石足資備用外其餘歸化城和林格

爾薩拉齊清水河四通判每處請添設常
平穀三萬石計添設一十二萬石欽奉

硃批如所議行欽此又乾隆二十七年十二月
前撫明 奏以豐鎮寧遠二廳新改本色
運赴綏遠廳倉徒致陳陳相因請將豐寧
二廳每年額徵米六千六百七十三石零
以十年計之共得米六萬六千餘石以之
勻貯豐寧二廳作爲常平額糧俟十年之

後再將額徵米石撥運綏遠奏支等因經
戶部議准奉

旨依議欽此以上府倉穀石及歸化等廳并豐
鎮寧遠二廳共常平穀五十餘萬石此又
在額貯一百八十萬石之外者也再前開
府倉穀石內右玉縣歸管府倉穀六萬石
於乾隆四十五年一件遵

旨議奏事案內請明儘數裁除豐寧二廳議貯

徵存米折穀內於乾隆四十四年一件裁
撥多餘穀石事案內奉文止酌留額貯穀
六萬石所有晉省各屬現在常平倉穀分
貯細數開列於後

計開

太原府屬 陽曲縣原定額穀二萬六千石
又新增穀二萬四千石又歸管太原府倉
子穀五萬石不在定額數內 太原縣原定

額穀一萬三千石又新增穀一萬一千石
榆次縣原定額穀一萬六千石又新增穀
一萬石 太谷縣原定額穀一萬三千石
又新增穀七千石 祁縣原定額穀一萬
三千石又新增穀二千石 徐溝縣原定
額穀一萬三千石又新增穀二千石又歸
併清源縣定額穀一萬三千石 交城縣
原定額穀一萬三千石 文水縣原定額

穀一萬六千石 岢嵐州原定額穀八千石又新增穀一萬二千石 嵐縣原定額穀八千石又新增穀一萬二千石 興縣原定額穀八千石又新增穀一萬二千石 平陽府屬 臨汾縣原定額穀二萬石又新增穀一萬六千石又歸管平陽府倉穀三十石七斗五升零不在定額數內 襄陵縣原定額穀一萬六千石 洪洞縣原定

額穀一萬六千石又新增穀一萬石 浮

山縣原定額穀一萬三千石 太平縣原

定額穀一萬六千石 岳陽縣原定額穀

八千石 曲沃縣原定額穀一萬六千石

又新增穀一萬石 翼城縣原定額穀一

萬六千石 汾西縣原定額穀八千石

吉州原定額穀八千石又新增穀一萬石

鄉寧縣原定額穀八千石又新增穀一萬

石

潞安府屬 長治縣原定額穀一萬六千石

又新增穀八千石 長子縣原定額穀一

萬三千石 屯留縣原定額穀一萬三千

石 襄垣縣原定額穀一萬三千石 潞

城縣原定額穀八千石又新增穀四千石

又歸併平順縣定額穀八千石又新增穀

二千石 黎城縣原定額穀八千石又新

增穀二千石 壺關縣原定額穀八千石

又新增穀八千石

汾州府屬 汾陽縣原定額穀一萬六千石

又新增穀九千石又歸管汾州府倉穀一

百五十石五斗不在定額數內 平遙縣

原定額穀一萬三千石又新增穀一萬三

千石 介休縣原定額穀一萬六千石又

新增穀一萬四千石 孝義縣原定額穀

一萬三千石又新增穀七千石 臨縣原

定額穀一萬三千石又新增穀七千石

石樓縣原定額穀八千石又新增穀一萬

二千石 永寧州原定額穀一萬三千石

又新增穀七千石 寧鄉縣原定額穀八

千石又新增穀一萬二千石

大同府屬 應州原定額穀一萬一千石

渾源州原定額穀一萬一千石又新增穀

五千石 大同縣原定額穀二萬石 懷

仁縣原定額穀一萬一千石 山陰縣原

定額穀一萬一千石 靈邱縣原定額穀

一萬一千石 廣靈縣原定額穀一萬一

千石 陽高縣原定額穀一萬一千石

天鎮縣原定額穀一萬一千石

朔平府屬 右玉縣原定額穀一萬六千石

又新增穀一萬一千石 左雲縣原定額

穀一萬一千石又新增穀九千石 平魯

縣原定額穀一萬一千石又新增穀七千

石 朔州原定額穀一萬一千石又新增

穀一萬四千石 馬邑縣原定額穀八千

石

寧武府屬 寧武縣原定額穀一萬一千石

又新增穀九千石 偏關縣原定額穀一

萬六千石 神池縣原定額穀八千石

五寨縣原定額穀八千石

澤州府屬 鳳臺縣原定額穀一萬六千石

高平縣原定額穀一萬六千石 陽城縣

原定額穀一萬六千石 陵川縣原定額

穀一萬三千石 沁水縣原定額穀一萬

三千石

蒲州府屬 永濟縣原定額穀一萬石 臨

晉縣原定額穀一萬六千石 榮河縣原

定額穀一萬三千石 猗氏縣原定額穀

一萬六千石 萬泉縣原定額穀一萬三

千石 虞鄉縣原定額穀一萬一千石

遼州屬 本州原定額穀一萬三千石又新

增穀七千石 榆社縣原定額穀八千石

又新增穀一萬石 和順縣原定額穀八

千石又新增穀一萬石

沁州屬 本州原定額穀一萬三千石又新

增穀七千石 沁源縣原定額穀八千石

又新增穀八千石 武鄉縣原定額穀一

萬三千石又新增穀一千石

平定州屬 本州原定額穀一萬六千石又

新增穀一萬四千石 壽陽縣原定額穀

一萬三千石又新增穀一萬三千石 孟

縣原定額穀一萬三千石又新增穀一萬

三千石 樂平縣原定額穀一萬三千石

又新增穀一千石

忻州屬 本州原定額穀一萬六千石又新

增穀一萬四千石 定襄縣原定額穀一

萬三千石又新增穀七千石 靜樂縣原

定額穀八千石又新增穀一萬二千石

代州屬 本州原定額穀一萬六千石 五

臺縣原定額穀一萬三千石又新增穀七

千石 繁峙縣原定額穀八千石又新增

穀一萬二千石 崞縣原定額穀一萬三

千石又新增穀五千石

保德州屬 本州原定額穀八千石又新增

穀一萬二千石 河曲縣原定額穀八千

石又新增穀一萬二千石

解州屬 本州原定額穀一萬六千石 安

邑縣原定額穀一萬六千石 夏縣原定

額穀一萬三千石 平陸縣原定額穀一

萬四千石 芮城縣原定額穀一萬四千石

絳州屬 本州原定額穀一萬六千石 稷

山縣原定額穀一萬三千石 河津縣原

定額穀一萬四千石 聞喜縣原定額穀

一萬六千石 絳縣原定額穀一萬三千

石 垣曲縣原定額穀一萬三千石

霍州屬 本州原定額穀一萬三千石 趙

城縣原定額穀一萬三千石又新增穀七千石 靈石縣原定額穀一萬三千石

隰州屬 本州原定額穀一萬一千石又新

增穀九千石 大寧縣原定額穀八千石

又新增穀四千石 蒲縣原定額穀八千

石又新增穀八千石 永和縣原定額穀

七千八百三十七石又新增穀七千一百

六十三石 以上通省原定額穀一百三

十一萬五千八百三十七石又新增穀五
十萬八千一百六十三石又歸併府倉等
穀五萬一百八十一石二斗五升六合零
不在定額數內

歸綏道屬 歸化城議設常平倉穀三萬石
和林格爾議設常平倉穀三萬石 薩拉
齊議設常平倉穀三萬石 清水河議設
常平倉穀三萬石

大同府屬 豐鎮廳議設常平倉穀四萬九
千八百一石二斗六升七合零於一件裁
撥多餘穀石事案內奉文止酌留額貯穀
三萬石

朔平府屬 寧遠廳議設常平倉穀六萬二
千一百五十七石一斗八合零於一件裁
撥多餘穀石事案內奉文止酌留額貯穀
三萬石 以上歸和薩清四處豐寧二廳

通共常平倉穀一十八萬石

社倉穀石

社倉之設先於雍正九年經九卿議定
循照朱子條目議令設立正副社長選
擇品行端方家道殷實之人經理其事
官爲稽查借領倉穀除衿監軍役及不
務農商遊惰滋事之人勿許借給外其
有願借者令報明州縣計口散給出入
公平等因奉

晉政輯要 卷四
旨俞允嗣於乾隆六年蘇撫徐士林陝撫張楷
乾隆八年御史李清植乾隆十年吏部郎
中金洪銓兩廣總督鄂爾達乾隆十二年
晉撫準泰乾隆十五年陝撫陳宏謀乾隆
二十三年御史吳綬詔乾隆二十四年御
史吳龍見乾隆二十六年川藩吳士端乾
隆二十七年江藩富明安浙江學政李因
培等先後條奏均經戶部核議奉

旨俞允遵行在案查乾隆四十九年底止山西
通省實貯存社倉穀共三十萬五千五百
八十一石二斗五升五合七勺所有各屬
分貯社倉細數開列於後

計開

太原府屬 陽曲縣現存穀一萬一千三百
一十石二斗六升五合一勺 太原縣現
存穀四千四百一十六石三斗七升九合

榆次縣現存穀六千四十九石七斗一勺

太谷縣現存穀三千二十九石二斗三升

二勺 祁縣現存穀三千九百三十一石

一斗六升五合 徐溝縣現存穀三千九

百四石六斗四升六合二勺 交城縣現

存穀二千一百八十九石二斗一勺 文

水縣現存穀一千六十四石二斗 岢嵐

州現存穀六百一十石五斗五升 嵐縣

現存穀一千四百五十九石三斗三升三

合六勺 興縣現存穀一千四百九十五

石二斗二升七合一勺

平陽府屬 臨汾縣現存穀一萬三百二十

三石七斗四升五合五勺 襄陵縣現存

穀二千八百六十一石八斗五升三合五

勺 洪洞縣現存穀一萬五百三十石五

升二勺 浮山縣現存穀二千三百九石

五升五合二勺 太平縣現存穀四千二百三十九石七斗八合七勺 岳陽縣現存穀二千一百一十石六斗 曲沃縣現存穀六千五十七石二升二勺 翼城縣現存穀五千八百九十五石二升九合二勺 汾西縣現存穀九百六十五石七斗三升一勺 鄉寧縣現存穀六百一十三石 吉州現存穀六百五十六石四斗二

勺

潞安府屬 長治縣現存穀一萬五千五百

八十四石一斗九升一合九勺 長子縣

現存穀二萬七百三十九石六斗一升七

合一勺 屯留縣現存穀二千七百六石

四勺 襄垣縣現存穀三千三百八十八

石八斗二勺 潞城縣現存穀四千三百

四十三石三斗五升六合六勺 黎城縣

現存穀二千一百七十六石八升九勺

壺關縣現存穀一千四百五十石五斗八

升四合七勺

汾州府屬

汾陽縣現存穀六千二百石一

勺 平遙縣現存穀五千八百四十九石

六斗七升四合二勺 介休縣現存穀一

萬三千九十八石四斗四升四勺 孝義

縣現存穀四千三百七十七石一斗九升

二勺 臨縣現存穀四百四十六石八斗

四升二勺 石樓縣現存穀二百七十六

石七升四勺 永寧州現存穀二千二百

九十六石七斗四升一勺 寧鄉縣現存

穀一千一百八十六石一斗六升六合九

勺

大同府屬 應州現存穀一千四百六十二

石三斗一勺 渾源州現存穀八百四十

一石九斗三勺 大同縣現存穀二千一百二十三石二斗八升二合 懷仁縣現存穀一千一石七斗三勺 山陰縣現存穀一千六百五十九石六斗八升五合二勺 靈邱縣現存穀二千七十一石一斗六升三勺 廣靈縣現存穀一千六十四石六斗五升一勺 陽高縣現存穀九百二十一石九斗一升一勺 天鎮縣現存

穀一千四百七十八石九斗五升九勺

朔平府屬 朔州現存穀一千九百四十四

石九斗九升八合九勺 右玉縣現存穀

一千四百一十三石四斗七升八合二勺

馬邑縣現存穀一千四十一石一斗二升

三合四勺 左雲縣現存穀一千四百五

十石二斗二升一合七勺 平魯縣現存

穀一千二百二十石七斗六升三合三勺

寧武府屬 寧武縣現存穀八百五十二石
九斗五升一勺 偏關縣現存穀六百九
十九石一斗五升一勺 神池縣現存穀
九百五十七石二斗六升五合 五寨縣
現存穀七百八十一石八斗八升二勺
澤州府屬 鳳臺縣現存穀一萬八千三百
三十二石六斗九升一勺 高平縣現存
穀六千七百七十二石九斗三升一勺

陽城縣現存穀三千六百九十二石一斗
三升一勺 陵川縣現存穀一千五百三
十五石一斗九升六勺 沁水縣現存穀
二千一百八十二石一斗九升五勺
蒲州府屬 永濟縣現存穀六千六百三十
二石二斗五升一合七勺 臨晉縣現存
穀三百五石一斗四升一勺 猗氏縣現
存穀二千三百二十一石六斗八升二合

一勺 滎河縣現存穀一百七石二斗八升 萬泉縣現存穀六百五十三石九斗二升一勺 虞鄉縣現存穀一千二百九十二石七斗一升一勺

遼州并屬 遼州現存穀一千二百八十三石六斗九升三合七勺 榆社縣現存穀五百一十三石三斗二勺 和順縣現存穀六百四十二石七斗五升七合四勺

沁州并屬 沁州現存穀二千六百七十六石一升五合三勺 沁源縣現存穀一千五百二十一石八升八合三勺 武鄉縣現存穀一千九百二十七石二斗六升一合四勺

平定州并屬 平定州現存穀二千八十一石四斗五升 壽陽縣現存穀四千四十二石七斗五升一勺 盂縣現存穀一千

八十六石一斗 樂平縣現存穀五百三十石五升五勺

忻州并屬 忻州現存穀五千二百四十二石九斗四升 定襄縣現存穀二千六百七十八石七斗五升二合三勺 靜樂縣現存穀一千二百九十六石九斗五升五勺

代州并屬 代州現存穀三千七十六石三

斗五升一勺 五臺縣現存穀三百一十八石八斗七升一合七勺 繁峙縣現存穀一千五十四石九斗一升六勺 崞縣現存穀三千二百九十二石一斗五升四合一勺

保德州并屬 保德州現存穀一千三百五十三石三斗八升七合二勺 河曲縣現存穀一千一百一十一石二斗七升

解州并屬 解州現存穀三千三百六十石
五斗七升一勺 安邑縣現存穀五千一
百六十一石五斗六升八合八勺 夏縣
現存穀四千五百五十九石二斗一勺
平陸縣現存穀七百八十七石一斗一勺
芮城縣現存穀八百一十八石一斗 河
東運司現存穀三千九百三十一石九斗
九升七合八勺

絳州并屬 絳州現存穀五千七百四十四
石五斗八升五合 稷山縣現存穀一千
九百五十一石五斗一升二勺 河津縣
現存穀二千三百三石三斗八升二勺
聞喜縣現存穀四千一十七石二斗八升
三合六勺 絳縣現存穀一千一百八十
三石七斗九升五合五勺 垣曲縣現存
穀九百六十五石七斗九升九合七勺

霍州并屬 霍州現存穀一千四百五石一

斗四升二勺 趙城縣現存穀一千一百

八十石七斗九升二勺 靈石縣現存穀

三千六百二十八石九斗五升八合一勺

隰州并屬 隰州現存穀一千五百二十二

石一斗三升三勺 大寧縣現存穀一百

九十七石二斗七升五勺 蒲縣現存穀

六百四十三石七斗二升五勺 永和縣

現存穀五百三十石九斗七升二合一勺

義倉穀數

謹按積貯爲本計所關推行惟義倉尤便
蓋鄉村分貯歛散可以隨時典守在民吏
胥無由滋弊歷稽前代良法具存自周禮
遺人之掌門關鄉閭各有委積以待艱厄
隋臣長孫平因之爲義倉之制令諸州百
姓當社立倉隨所收穫勸課出輸領之社
司以時賑發唐宋遞相遵倣至朱子而規

畫備詳倉雖以社爲名事實與義同例一切輸受之法條目兼該而其要尤在地得其人人善其事良以官爲民計不若民自爲計是以積久而蠹不生施溥而澤可繼法莫善於此也我

皇上念切民依

仁周鄙屋凡備荒足食之政靡不

宵旰勤求乾隆十一年十月十一日欽奉

上諭義倉一事乃急公慕義之人當米穀有餘輸之於倉以備緩急目下正值豐收之際宜飭地方官善爲鼓舞勸導以足倉儲等因欽此

嗣於乾隆十二年經晉撫

奏明於每年秋收後如係收穫八九十分者照例廣爲勸捐如收成係六七分者止擇豐腴量爲勸捐以資儲蓄仍將每年捐數

出納另摺奏

聞等因在案歷經山西撫臣於每年十一月內
專摺

奏報並造

黃冊進呈

御覽茲查乾隆五十三年太原等九府十直隸
州并歸綏道所屬五廳共寔有義倉本息
雜糧穀一十五萬七百四十石六斗九升

六合五勺所有各屬分貯細數開列於後
計開

太原府屬

陽曲縣現存穀四千三百七十

一石五斗一升 太原縣現存穀二千二

百三十五石四斗一升一合 榆次縣現

存穀五千五十八石七斗三升二合九勺

太谷縣現存穀三千七百三十八石四斗

祁縣現存穀一千七百五十九石四斗九

升 徐溝縣現存穀三千一百四十五石
八升五合 交城縣現存穀八百四十八
石七斗四升五合 文水縣現存穀四千
六百九十二石六斗四升一合三勺 岢
嵐州現存穀八百三石八升 嵐縣現存
穀五百三十石八斗六升 興縣現存穀
六百五石八斗五升

平陽府屬 臨汾縣現存穀二千二百一石

七斗五升 襄陵縣現存穀二千三百五
十六石七斗五升 洪洞縣現存穀二千
二百二十三石四斗 浮山縣現存穀二
千三百七十五石八斗 太平縣現存穀
三千四百二十石 岳陽縣現存穀五百
三十八石四斗二升 曲沃縣現存穀二
千二百石 翼城縣現存穀二千四百九
十石七升七合 汾西縣現存穀二百三

十石三斗一升八合一勺 鄉寧縣現存
穀八百四石五斗 吉州現存穀五百八
十三石二斗八升五合

潞安府屬 長治縣現存穀三千七百五十

三石三斗 長子縣現存穀六百三十六

石六斗八升 屯留縣現存穀六百四十

石九斗 襄垣縣現存穀一千一百四十

二石八斗六升四合五勺 潞城縣現存

穀五百二十六石九斗二升八合三勺

黎城縣現存穀八百一十四石八斗五升

六合四勺 壺關縣現存穀一千一百一

十四石八斗九升

汾州府屬 汾陽縣現存穀二千四百七十

七石一斗二升三合 平遙縣現存穀四

千五百八十三石 介休縣現存高糧糜

子穀二千五百九十三石一斗一升六合

孝義縣現存穀三千九百九十石九斗二升四合
臨縣現存穀一千五百一十四石九斗一升
石樓縣現存穀五百一十九石
永寧州現存穀三千五百七石三斗
寧鄉縣現存穀一千一百一十石九斗

大同府屬
大同縣現存穀六百五十五石六斗七升
應州現存穀一千一十三石

九斗八升六合
渾源州現存穀無
懷

仁縣現存穀三百八石一斗
山陰縣現

存穀五百五十石七斗
靈邱縣現存穀

八百五石七斗三升
廣靈縣現存穀三

百一十九石六斗
陽高縣現存穀無

天鎮縣現存穀二百七十四石七斗

朔平府屬
右玉縣現存穀四百九十石九

斗
左雲縣現存穀三百八十八石七斗四

升五合 平魯縣現存油蕎麥穀七百六十一石八斗五升五合 朔州現存穀五百一十六石一斗五升 馬邑縣現存穀一百四十石四斗 寧遠廳現存穀二百七石

寧武府屬 寧武縣現存穀二千三百四十三石七斗六升六合 神池縣現存穀一千五百七十五石八斗四升 偏關縣現

存穀八百四十石二斗八升六合 五寨縣現存穀一千四百五十二石

澤州府屬 鳳臺縣現存穀三千三百五十

九石一斗六升八合 高平縣現存穀一千九百七十三石六斗 陽城縣現存穀一千二百三十九石九斗二升九合 陵

川縣現存穀一百九十八石七斗九升七合 沁水縣現存穀六百六十四石一斗

一升八合

蒲州府屬 永濟縣現存穀四百一十石七斗六升七合 榮河縣現存穀六百七十二石四斗一升六合 猗氏縣現存穀七百一十九石九斗二升 萬泉縣現存穀一千三百八十八石二斗

遼州屬 本州現存穀五百八十石四斗

榆社縣現存穀一千二百八十八石六斗

四升七合三勺 和順縣現存穀四百四十石

沁州屬 本州現存穀一千一百二石五斗 沁源縣現存穀六百五十九石一斗三升 武鄉縣現存穀一千九百六石九斗

平定州屬 本州現存穀九百七石一斗四升二合四勺 壽陽縣現存穀一千七百二十五石七斗五升 盂縣現存穀九百

五十六石四斗四升 樂平縣現存穀五百五十四石四斗

忻州屬 本州現存穀二千七百九十石一斗四升四合 定襄縣現存穀一千七百五十六石四斗九升 靜樂縣現存穀五百五石三斗

代州屬 本州現存穀九百二十石三斗一升 崞縣現存穀一千六百四十三石六

斗七升 五臺縣現存油麥穀二百三十八石一斗二升 繁峙縣現存穀三百六石七斗五升

保德州現存穀二百二十五石三斗

解州屬 本州現存穀二百七十八石九升

五合 安邑縣現存穀二千五百七十六

石二斗五合 夏縣現存穀四百五十八

石六斗八升二合 平陸縣現存穀一千

一百五十三石一斗 芮城縣現存穀五百一十九石五斗五升

絳州屬

本州現存穀四千一百八十一石

七斗五升 絳縣現存穀二千八百四十

八石三斗三升 稷山縣現存穀一千六

十六石五斗 河津縣現存穀二千六百

七十二石 聞喜縣現存穀八百八十石

垣曲縣現存穀二百二十八石二斗九升

八合八勺

霍州屬

本州現存穀七百七十三石一斗

七升五合 趙城縣現存穀一千七百一

十五石五斗 靈石縣現存穀三千五百

四十四石二斗五升二合

隰州屬

本州現存穀三千一十六石三斗

大寧縣現存穀二百八十五石六斗八升

三合七勺

蒲縣現存穀二百九十四石

二斗四升 永和縣現存穀五百一十四石一斗二升五合

歸綏道屬 歸化城現存穀一千一百一十

二石八斗 和林格爾現存穀五百二十

三石七斗 薩拉齊現存穀四百五十六

石三斗 托克托城現存穀一千三百五

十二石六斗 清水河現存穀二千一百

九石八斗七升六合 以上通共計現存

義倉穀一十五萬七百四十石六斗九升六合五勺

